

communi rerum divisione quanta quoque distingui possunt
in *naturalia*, *moralia*, & *notionalia*.

§. 4. *Naturalia* Quanta sunt, quæ naturâ constituta
sunt in hoc Mundo, ut potentia, extensio, gravitas,
lux &c.

Quanta *Moralia* sunt, quæ voluntas, impositione vel
consensu, seorsim constituit in vita civili, inter quæ princí-
palum tenent i. quoad res in specie sic dictas, *Premium* sive
pretiositas 2. in genere personarum *Dignitas*, *Potestas*, 3. in
genere actionum *Meritum*, cui respondet æquale præmium
& *Demeritum*, cui respondet æqualis poena.

Quanta *notionalia* sunt quæ pro modo cognitionis se-
orsim constituta sunt in mente cognoscientis. Inter quæ
cum primis eminet *Amplitudo* sive *latitudo* vel *angustia* con-
ceptuum, quo spectat tò strictè & latè. Item *Longitudo* &
Brevitas syllabarum, qvo spectant *Accentus*, *Toni*, *Pedes*, *Ver-
sus*, tota denique *Prosodia*.

Huc reduci potest valor tesserarum, foliorum chartæ,
lapillorum in alea &c. nisi quis ad moralem classem ea re-
ducere malit.

§. 5. Ab his omnibus uti prædicata quædam com-
munissima sunt abstracta, quæ rebus moralibus & notiona-
libus æquè ac naturalibus tribui possunt, *Transcendentia* vul-
gò dicta: sic ad eadem quoque se quantitatis in hoc sensu
acceptæ ratio extendit, indeque Quanta quoque *Transcen-
dentia* dantur, tūm *incomplexa*, ut necessarium, contingens,
unum, multa, potens, impotens, verum, falsum, bonum,
malum, divisum indivisum, simplex compositum, cognos-
tum, affine, simile dissimile &c. De quibus æque ac de
quantis specialibus æstimativè quæri, quām? & responde-
re tam, æquè, magis, minus, & solet: ium *complexa*, ut Enun-
cia-